

# Jeje ko Rekwojarjar an Sami

Jān Carolina Maldonado  
(Pedped ioon juon bwebwenato emool)

Bwebwenato in ekar bōk jikin ilo Bolivia.

Baba eaar kabbōke pein ke ej mōj nokon in jota eo an baamle. “Ewōr juon aō lōmṇak kōn juon an baamle in kōttōpar,” eaar ba “Jen riiti Bok in Mormon ippān doon aolep raan.”

Ḷaddik ro jein Sami, Andrés im Juan, rekar emṇajidjid kōn ettōñ dikdik eḷap kōn lōmṇak eo.

“EMMAN!” Andrés eaar ba.

Sami eaar bar mōḡḡḡ. Bōtaab ekar keememej juon men. Ekar kajutak pein. “Ijaje kilen riit. Elmen aō naaj jipañ?”

Juan ekar lelōñḷok aeran. “Komaroñ roñjake wōt.”

Ḷaddik ro jein Sami emōj aer jeḷā riit kadede. Ak ḷalem wōt an Sami iiō. Ejañin de ekkatak kilen riit.

“Ak ikōḡaan bar jipañ!” Sami eaar ba ilo an kajememe.



Mama eaar atbokwoje Sami. “Im konaaj” eaar ba. “Aolep iien ej lōñ juon iaḷ ñan kōmṇani men ko Anij ej ba jān kōmṇani.”

Boñen eo juon, baamle eo an Sami raar koba ippān doon ñan riiti Bok in Mormon. Raar aolep boktok jeje ko rekwojarjar make aer, ijelōkin Sami. Mama eaar leḷok ñan e juon pija in bwebwenato ko ilo Bok in Mormon.

“Kojjab maroñ riit naan ko kiiō. Ak komaroñ riiti pija ko,” liin ear ba kōn etōñdikdik.

Sami ej jibwe bok eo turin. Kiiō emaroñ riiti kōn ainikien eḷḷaaj ippān baamle eo an!

Raar aolep kajjojo riit. Sami eaar kalimjōk pija ko me rej kwaḷok bwebwenato eo. Ke ej iien eo an, eaar jiroñḷok ro jet ta eo eaar loi ilo pija ko. Eaar kwaḷok elōñ kōmeḷeje ko joñan wōt an maroñ.

Ke raan ko rej mootḷok, Sami eaar kōḡaan wōt riit eḷapḷok. Mama eaar katakini ainikien kajjojo leta ko. Innām eaar kwaḷok kilen an ḡa ainikien naan ko. Allōñ ko tokālik, Sami eaar jab aikuji bok in pija eo. Ijelōkin, eaar riiti naan eo āliktata ilo kajjojo eon baamle eo an ej riit. Mama eaar riiti naan eo jinoin, im Sami eaar bar baḷok.

Ilo jinoin, raar jidik jidik riit. Tōparḷok āliktata in kajjojo jeḷta ekar bōk juon iien eaetok. Andrés im Juan rekar kūtōtō ñe ej iien an Sami. Ak rej riit āinwōt juon baamle wōt.

Jidik kōn jidik, ej ḷapḷok an Sami riit. Ej riiti juon naan juon eon, innām ruo naan, innām jilu. Innām eaar jinō riit juon likio in eon!

Sami ekar bar kōḡaan riit.



Turin jemḷok in kōttōpar eo aer, Sami emaroñ make riit jejjō eon. An riit ekar emṇanḷok. An iakwe Bok in Mormon eaar bar eddōkḷok.

Āliktata, baamle eo an Sami rekar kamōj Bok in Mormon. Ekar bōk ruo iiō! Kiio jiljilimjuon an Sami iiō, im eaar emṇan an ekkatak riit.

“Jeraamṇan!” Baba ekar ba. “Emōj ad kōmṇane!”

Sami eaar mōḡḡḡ kōn baamle eo an. Eaar jipañ er kamōj aer riiti Bok in Mormon!

Juan eaar atbokwoje Sami. “Enaaj ta kōttōpar eo amḷ ñan iiō kane ruo ṇaanwaj?”

Sami eaar ettōñ dikdik. Eaar jutak aetok im ba, “Inaaj bar riiti Bok in Mormon!” ●

Ta eo ekar jipañ Sami riiti jeje ko rekwojarjar?